



ԽԱՂԱՂՈՒԹՅԱՆ ՀԱՄԱՐ ՊԱՅՔԱՐՈՂՆԵՐԻ ԺԱԿԱՏՈՒՄ

ՀՅՈՒԼԵՏՏ ՋՈՆՍՈՆԻ ԵԼՈՒՅՔԸ

ԼՈՆԴՈՆ, 4 մարտի (ՏԱՍՄ). — Ինչպես հաղորդում է Ասոսիեյշնը պրես գործակալությունը, խաղաղության պաշտպանության Ստեպնի (Լոնդոն) տեղական խորհուրդը երեկ կազմակերպել է միտինգ, որտեղ հանդես է եկել Քենտրբերի տաճարի վանահայր Հյուլետտ Ջոնսոնը:

Անդրադառնալով Անգլիայի տնտեսական դրությանը, Ջոնսոնը նշել է, որ «գնեք բարձրանում են, սոցիալական միջոցառումները նվազեցվում են, կրճատվում են լուսավորության, բնակելի տների ու հիվանդանոցների շինարարության համար կատարվող հատկացումները: Նրանց սպառնում է կատաստրոֆը»:

Քենադատելով այն քաղաքագետներին, որոնք հաճախ շաղակրատում են Սովետական Միության զինված ուժերի մասին, Ջոնսոնը հայտարարել է. «Ինչպես են նրանք միմյանց հետ մրցակցում ուսական բանակների թվական կազմը գնահատելիս: Նրանք խոսում են այնպես, ասես իրենց ամեն ինչ հայտնի է: Շինուեկը հայտարարեց, թե ուսաները զենքի տակ տնեն 2,5 միլիոն մարդ: Ստրեյին այդ թիվը դարձրեց 4 միլիոն, որից հետո Շինուեկը, ետ շմալու համար, այն հասցրեց 4,5 միլիոնի: Ի՞նչ են մտածում նրանք»:

Կանգ առնելով Ամերիկայում սպառազինությունների մրցավազքի վրա, Ջոնսոնը

ընդգծել է, որ այդ կործանարար քաղաքականության համար պատասխանատվությունը կրում է «վերնախավերի կլիկը», իսկ ամերիկացիների ճնշող մեծամասնությունը պատերազմ չի ցանկանում: «Ամերիկացիների մեծ մասը, — ասել է նա, — ընդհանրապես չգիտե, թե ինչ է կատարվում: Ես վցանկանայի պատմել նրանց այդ մասին: Հենց այն պատճառով ինձ չեն թողնում Ամերիկա, որպեսզի ես չկարողանամ ամերիկացիներին պատմել այն, ինչ կատարվում է»:

Ռազմական պատրաստությունները փրկություն են ծառայում ամերիկյան խոշոր կապիտալի համար: Յուրաքանչյուր միլիոն դոլարը, որ Սովետական Միությունում ծախսվում էր պատերազմի վրա, ծախս հարված էր խաղաղ տնտեսական զարգացման նրա պլաններին: Բայց յուրաքանչյուր միլիոն դոլարը, որ ռազմական պատրաստության համար ծախսվում է ԱՄՆ-ում, մի գյուտ է արդյունաբերության համար, որի մեջ, հավառակ դեպքում, առաջ կգար հրակայական գործադրվություն և հնարավոր է, սոցիալական ուղղությամբ:

Հյուլետտ Ջոնսոնը իր ելույթն ավարտել է հետևյալ խոսքերով, որոնք ընդունվել են ծափահարություններով. «Աշխատեցե՛ք հանուն խաղաղության, և բարեկամության ձեռք մեկնեցե՛ք Ռուսաստանին ու Չինաստանին»:

ՖԻՆԱՆՍԱԿԱՆ ԺՈՒՆՈՎԱՅԻՆ ԿՈՂՄ

ՓԱՐԻԶ, 10 մարտի (ՏԱՍՄ).— Խաղաղության Համաշխարհային Խորհրդի նախագահ Ֆրեդերիկ ժոլիո-Կյուրին ամբողջ աշխարհի ժողովուրդներին դիմել է հետևյալ կոչով.

«Ես ծանոթացա այն հուղիչ ուղերձին, որով Խաղաղության պաշտպանության համար և ամերիկյան ազդեցության դեմ պայքարի շինական ժողովրդական կոմիտեի նախագահ Գո-Մո-ժոն ինձ հաղորդում է, որ ամերիկյան զինված ուժերը Կորեայում գործադրել են բակտերիոլոգիական զենք: Հունվարի 28-ի և փետրվարի 17-ի միջև ընկած ժամանակամիջոցում ամերիկյան ռազմական ինքնաթիռները Կորեայում, ինչպես ռազմա-ճակատում, այնպես էլ թիկունքում, տարածել են ժանտախտի, խոլերայի, տիֆի և ուրիշ սարսափելի վարակիչ հիվանդությունների միկրոօրգանիզմներ:

Այդ դաժան, բոլոր խելացի մարդկանց համար անբեկալի գործողությունները այնուամենայնիվ կատարվել են: Դրանք իրենցով լրացնում են ոչ պակաս հրեշավոր այն հանցագործությունները, երբ մի քանի վայրկյանի ընթացքում ատոմային ռումբով ոչնչացվեցին Խիրոսիմա քաղաքի հարյուր հազարավոր բնակիչներ:

Բակտերիոլոգիական զենքի օգտագործումը հանդիսանում է 1925 թվականի հունիսի 17-ին ժընևում ստորագրված միջազգային արձանագրության բացահայտ խախտում:

Բակտերիոլոգիական զենքը ճապոնական զորքերի կողմից օգտագործված է Չինաստանում: ԱՄՆ-ի գլխավոր շտաբը և քաղաքական գործիչներն արդեն հրապարակորեն հայտարարել են իրենց նախապատրաստությունները և այդ զենքի օգտագործելու դատաբանական դատարանի մասին:

Այդ հանցավոր գործողությունները հակասում են Խաղաղության կողմնակիցների վարչավայրի համաշխարհային կոնգրեսի ընդունած որոշումներին, կոնգրես, որն արտահայտեց բոլոր ժողովուրդների կամքը, հակասում են նրա բանաձևին, որը նախատեսում է բակտերիոլոգիական, քիմիական ու մասսայական ոչնչացման ամեն մի այլ զենքի օգտագործման արգելումը:

Պահանջելով այդ արգելումը, 500 միլիոն տղամարդիկ և կանայք, որոնք պաշտպանեցին Ստոկհոլմի Կոլը, պարզ արտահայտեցին իրենց կամքը՝ այլևս թույլ չտալ, որ կրկնվեն նման սպանությունները:

Այսօր ժողովուրդները կարող են պատկերացնել այն վտանգը, որ իրենց սպառնում է, և այն սարսափելի միջոցները, որոնցով փորձում են իրենց վախեցնել: Հասարակական կարծիքը պետք է հանդես գա այդ հանցագործության դեմ:

ՖԻՆԱՆՍԱԿԱՆ ԺՈՒՆՈՎԱՅԻՆ

ԽԱՂԱՂՈՒԹՅԱՆ ԿՈՂՄԱԿԻՑՆԵՐԻ ՍՄԵՐԻԿՅԱՆ ԿՈՆՏԻՆԵՆՏԱԼ ԿՈՆԳՐԵՍԻ ՈՐՈՇՈՒՄՆԵՐԸ

ՄՈՆՏԵՎԻԴԵՆ, 19 մարտի (ՏԱՍՄ).— Մարտի 11-ից մինչև 16-ը Մոնտեվիդեոյում տեղի ունեցավ Խաղաղության կողմնակիցների ամերիկյան կոնտինենտալ կոնգրեսը: Կոնգրեսն ընդունեց բանաձև, որի մեջ ասվում է.

«Մեր երկրներում ուժեղանում է պատերազմի նախապատրաստությունն ու պատերազմի պրոպագանդան, որի նպատակն է մեր ժողովուրդներին նետել նոր համաշխարհային հրդեհի մեջ»:

Բանաձևում նշվում է, որ բոլոր այդ իրադարձությունները, որոնց հետևանքները սպառնում են ժողովուրդների բարեկեցությանն ու անվտանգությանը, ամենից առաջ հետևանք են պատերազմի այն քաղաքականության, որ վարում են Միացյալ Նահանգների կառավարող շրջանները, որոնք չեն ցանկանում ընդունել տարրեր սոցիալական

սխտեմների խաղաղ գոյակցության սկզբունքը:

Պատերազմի այդ քաղաքականությունը, ասվում է բանաձևում, մեր ժողովուրդներին պարտադրում է հարկերի ծանր բեռ, առասպելական և անտանելի ռազմական բյուջեներ, տնտեսական այնպիսի համաձայնագրեր ու պայմանագրեր, որոնք վնաս են հասցնում մեր շահերին: Այդ քաղաքականությունը տանում է դեպի նավթի, պղնձի, նապեղի, գյուղատնտեսության մթերքների և մեր բարեկեցության ու պրոգրեսի համար անհրաժեշտ բոլոր մյուս հարստությունների բռնի զավթում: Եվ, վերջապես, այդ քաղաքականությունը մեզնից պահանջում է զինվորներ ու ռազմական բազաների հատկացում մեր երկրների տերիտորիայում:

«Այդ պատճառով ներկա կոնգրեսը դատա-

պարտում է պատերազմի այդ քաղաքականությունը և հայտարարում է, որ ոչ մի պատրվակով, անկախ համաձայնության գալու, Ամերիկայի ժողովուրդների միջև եղբայրության ու համերաշխության սկզբունքների ամեն մի վկայակոչումից, մենք չենք կարող մասնակցել այն պատերազմին, որը հակասում է մեր նվիրական զգացմունքներին և մարդկության ամենակենսական շահերին: Շնաղաղությանը չեն սպասում, խաղաղությունը նվաճում են», — այս պետք է լինի մեր նշանաբանը, ասվում է բանաձևում: Մենք պնդում ենք, որ փոխըմբռնման վրա հիմնված և դեպի միջազգային տարաձայնությունների լուծումը, դեպի զինաթափում, տնտեսական ազատ համագործակցություն, ատոմային զենքի արգելում, ազգային սուվերենության հարգում, դեմոկրատական իրավունքների լիակատար ճանաչում, ժողովուրդների նյութական ու հոգևոր ազատ զարգացում տանող խաղաղությունը, — այդպիսի խաղաղությունը մեր բարձրագույն ձգտումն է և համապատասխանում է ամերիկյան մայրցամաքի ժողովուրդների պայքարի պատմական տրադիցիային:

Կոնգրեսն այն եզրակացության հանգեց, որ մեր ազնիվ իդեալների իրականացման ամենագործուն և վճռական միջոցը համաձայնությունն է հինգ մեծ տերությունների միջև՝ խաղաղության Պակտ ստորագրելու միջոցով: Խաղաղության կողմնակիցների կոնգրեսը Ամերիկայի ժողովուրդներին կոչ արեց՝

«1. Պայքարել աստիճանական, միաժամանակյա և վերահսկվող զինաթափման համար, ատոմային զենքն արգելելու և այդ արգելքի կատարման նկատմամբ խիստ վերահսկողություն սահմանելու համար, ատոմային էներգիան բացառապես խաղաղ նպատակներով օգտագործելու համար:

2. Պայքարել Կորեա զորքեր ուղարկելու դեմ և կորեական կոնֆլիկտը խաղաղ կարգավորելու համար:

3. Բոլոր միջոցներով դատապարտել Հյուսիսային Ամերիկայի Միացյալ Նահանգների որոշակի շրջանների կողմից վարվող պատերազմի քաղաքականությունը, պայքարել միլիտարիզացիայի և պատերազմի նախապատրաստության դեմ, դատապարտել այն ռազմական համաձայնագրերը, որ կնքում են

ամերիկյան կառավարությունները, համաձայնագրեր, որոնք պահանջում են զոհաբերելու մեր երիտասարդությանը, ժողովուրդների նյութական և կուլտուրական պրոգրեսը և ազգային սովերենությունը:

4. Դատապարտել պատերազմի պրոպագանդայի բոլոր ձևերը:

5. Արտահայտվել խաղաղության մարտիկներին հալածելու դեմ, դեմոկրատական իրավունքների ճնշման դեմ, ռասայական խտրականության դեմ և համերաշխվել այդ հալածանքների բոլոր զոհերի հետ:

6. Պայքարել մեր բնական հարստությունները պաշտպանելու համար, հասնել այն բանին, որպեսզի դրանք օգտագործվեն հօգուտ մեր ժողովուրդների տնտեսական զարգացման և բարեկեցության շահերի:

7. Պահանջել վերացնելու սահմանափակումները երկրների միջև տնտեսական, գիտական ու կուլտուրական ազատ փոխանակման ասպարեզում, որը նպաստում է ժողովուրդների միջև խաղաղության և համագործակցության ամրապնդմանը, բնակչության կենսամակարդակի բարձրացմանը:

8. Ուժեղացնել հինգ մեծ տերությունների՝ Հյուսիսային Ամերիկայի Միացյալ Նահանգների, Մովետական Միության, Չինական Ժողովրդական Ռեսպուբլիկայի, Մեծ Բրիտանիայի և Ֆրանսիայի միջև խաղաղության Պակտ կնքելու վերաբերյալ Դիմումի ստորագրման կամպանիան, պակտ, որին վարող էին միանալ երկրագնդի բոլոր պետությունները:

Կոնգրեսն ի միջի այլոց ընդունեց նաև դիմում՝ ուղղված Ամերիկայի ժողովուրդներին:

Կոնգրեսը նաև ընդունեց բանաձև, որը դատապարտում է բակտերիոլոգիական զենքի գործադրումը Կորեայում:

Շնաման զենքի գործադրումը, ասվում է բանաձևում, իրենից ներկայացնում է պատերազմական հրեշավոր ոճրագործություն, որը զայրացնում է աշխարհի բոլոր ժողովուրդներին խիղճը:

Կոնգրեսը պահանջում է անհապաղ դադարեցնել այդ զենքի գործադրումը կորեական ժողովուրդի դեմ: Կոնգրեսը Ամերիկայի ժողովուրդներին կոչ է անում եռանդուն կերպով ու վճռականորեն քողոքել նման գործողությունների դեմ:

